



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine FBiH“, broj: 12/03, 34/03 i 65/13), a u vezi sa članom 3. stav 4. Statuta JKP „Vodostan“ d.o.o. Ilijaš („Službene novine Kantona Sarajevo“, broj: 10/06), članom 106. Statuta Općine Ilijaš – prečišćeni tekst („Službene novine Kantona Sarajevo“, broj: 20/09, 46/18) i Odlukom o pokretanju postupka za izbor jednog člana Skupštine JKP „Vodostan“ d.o.o. Ilijaš i kriterija za imenovanje istog, broj: 01/2-19-2697/23 od 12.12.2023. godine, Općinski načelnik raspisuje:

### **JAVNI OGLAS za izbor i imenovanje člana Skupštine JKP „Vodostan“ d.o.o. Ilijaš**

I - Objavljuje se Javni oglas za izbor i imenovanje na poziciju člana Skupštine JKP „Vodostan“ d.o.o. Ilijaš (u daljem tekstu: Skupština Preduzeća).

### **II – NADLEŽNOSTI SKUPŠTINE**

Skupština JKP "Vodostan" d.o.o. Ilijaš je nadležna da:

- donosi Statut Preduzeća izmjene i dopune Statuta;
- odlučuje o raspodjeli godišnje dobiti;
- odlučuje o načinu pokrića gubitaka;
- odlučuje o povećanju i smanjenju osnovnog kapitala;
- odlučuje o osnivanju novih Preduzeća;
- odlučuje o poslovanju Preduzeća;
- odlučuje o trajnoj poslovnoj saradnji, odnosno o povezivanju sa drugim Preduzećima;
- donosi Etički kodeks Preduzeća;
- odlučuje o imenovanju i razrješenju Nadzornog odbora;
- odlučuje o imenovanju i razrješenju Odbora za reviziju;
- usvaja godišnji izvještaj preduzeća, koji uključuje finansijski izvještaj i izvještaj revizora, Nadzornog odbora i Odbora za reviziju;
- odlučuje o promjeni oblika i podjeli Preduzeća;
- odlučuje o naknadama članovima Nadzornog odbora i Odbora za reviziju;
- odlučuje o spajanju s drugim društvima i pripajanju drugih društava Preduzeću;
- odlučuje o prestanku Preduzeća sa provođenjem likvidacije i o odobravanju početnog likvidacionog bilansa i završnog računa po okončanju postupka likvidacije;
- odlučuje o Poslovniku o radu Nadzornog odbora i Odbora za reviziju;
- odobrava trogodišnji plan poslovanja, odnosno odobrava revidirani plan poslovanja;
- odlučuje o ostvarivanju zahtjeva Preduzeća prema članovima uprave i Nadzornog odbora u vezi sa naknadama štete nastale pri osnivanju, kupovini ili vođenja poslovanja Preduzeća;
- podnose izvještaje o radu i poslovanju Preduzeća Općinskom vijeću, jednom godišnje;
- daje saglasnost Nadzornom odboru za izbor i imenovanje direktora Preduzeća;
- odlučuje o cijeni usluga, na prijedlog Uprave;
- odlučuje o drugim pitanjima utvrđenim Zakonom i Statutom

### **III – MANDAT ČLANA SKUPŠTINE**

Član Skupštine Preduzeća imenuju se na period do 09.05.2026. godine (do isteka mandata Predsjednika i člana Skupštine, imenovanih Rješenjem Općinskog načelnika, broj: 01/2-04-763-1/22 od 06.05.2022. godine).

Član Skupštine Preduzeća ima pravo na naknadu za rad u Skupštini Preduzeća shodno odredbama Odluke o utvrđivanju visine naknade za predsjednika i članove Skupštine JKP "Vodostan" d.o.o. Ilijaš, broj: 01/2-14-493/18 od 27.02.2018. godine.

## IV – OPĆI USLOVI

Kandidat za izbor i imenovanje člana u Skupštini JKP „Vodostan“ d.o.o. Ilijaš mora ispunjavati sljedeće opće uslove:

- da je stariji od 18 godina,
- da je državljanin Bosne i Hercegovine,
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u razdoblju od 3 (tri) godine prije dana objave upražnjene pozicije,
- da se na kandidata ne odnose odredbe člana IX. 1. Ustava Bosne i Hercegovine,
- da nije na funkciji u političkoj stranci,
- da nema privatni/finansijski interes u Preduzeću,
- da nije osuđivan za krivična djela i privredni prijestup nespojiv sa dužnošću u Skupštini Preduzeća 5 (pet) godina od pravosnažnosti presude, isključujući vrijeme zatvorske kazne,
- da nije lice kojem je presudom suda zabranjeno obavljanje aktivnosti iz nadležnosti Skupštine Preduzeća,
- da se protiv kandidata ne vodi krivični postupak,
- da nije direktor ili član uprave preduzeća,
- da nije član upravnog ili nadzornog odbora u drugom preduzeću ili instituciji.

## V – POSEBNI USLOVI

Kandidat za izbor i imenovanje člana u Skupštini JKP „Vodostan“ d.o.o. Ilijaš mora ispunjavati sljedeće posebne uslove:

- da ima visoku stručnu spremu (VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja sa koji se vrednuje sa najmanje 240 ETCS bodova,
- da ima najmanje 5 (pet) godina radnog iskustva, nakon sticanja VSS,
- da posjeduje znanja i sposobnosti razumijevanja poslovnih izvještaja i propisa koji se primjenjuju na rad i poslovanje iz oblasti djelatnosti preduzeća, poznavanje prava i ukupnog zakonodavstva na području djelovanja skupštine preduzeća,
- da posjeduje sposobnosti za savjesno, odlučno i odgovorno obavljanje pozicije i sposobnost samostalnog i nepristrasnog donošenja odluka,
- da je naklonjen timskom radu, da ima izražene komunikacijske i organizacijske sposobnosti i sposobnosti upravljanja finansijskim i ljudskim resursima.

## VI – POTREBNA DOKUMENTACIJA

Kandidati su dužni uz prijavu koja sadrži kraću biografiju, adresu i kontakt telefon, priložiti originalne dokumente ili ovjerene fotokopije dokumenta ne starije od 3 (tri) mjeseca i to:

1. Izvod iz matične knjige rođenih;
2. Uvjerenje o državljanstvu (ne starije od 6 mjeseci);
3. Dokaz o stručnoj spreml (ovjerenu kopiju univerzitetske diplome);
4. Uvjerenje o radnom stažu;
5. Potpisanu i ovjerenu izjavu od strane nadležnog općinskog organa kojom kandidat potvrđuje sljedeće:
  - da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u razdoblju od 3 (tri) godine prije dana objave upražnjene pozicije,
  - da se na kandidata ne odnose odredbe člana IX. 1. Ustava Bosne i Hercegovine,
  - da nije na funkciji u političkoj stranci,
  - da nema privatni/finansijski interes u Preduzeću,
  - da nije osuđivan za krivična djela i privredni prijestup nespojiv sa dužnošću u Skupštini Preduzeća 5 (pet) godina od pravosnažnosti presude, isključujući vrijeme zatvorske kazne,
  - da nije lice kojem je presudom suda zabranjeno obavljanje aktivnosti iz nadležnosti Skupštine Preduzeća,
  - da se protiv kandidata ne vodi krivični postupak,
  - da nije direktor ili član uprave preduzeća (dokaz: Izjava potpisana i ovjerena od strane općinskog organa),

- da nije član upravnog ili nadzornog odbora u drugom preduzeću ili instituciji;
6. Potpisanu i ovjerenu izjavu od strane nadležnog općinskog organa o davanju saglasnosti za obradu i objavu ličnih podataka kandidata.

Kandidat koji bude izabran na poziciju člana Skupštine Preduzeća, a prije konačnog imenovanja, u roku od 15 dana, dužan je dostaviti dokaze u obliku uvjerenja (da kandidat nije osuđivan za krivična djela i privredni prijestup nespojiv sa dužnošću na poziciju člana Skupštine Preduzeća 5 (pet) godina od pravosnažnosti presude isključujući vrijeme zatvorske kazne i uvjerenje da protiv kandidata nije izrečena zaštitna mjera vršenja poziva, djelatnosti ili dužnosti i uvjerenja da se protiv njega ne vodi krivični postupak.

U slučaju da izabrani kandidati ne dostave navedene dokaze u ostavljenom roku, biti će izabran sljedeći najuspješniji kandidati sa liste uspješnih kandidata.

## VII – OSTALE NAPOMENE

Svi kandidati koji budu stavljeni na rang listu sa užim izborom bit će pozvani na intervju. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije i popuniti obrazac u kojem će iznijeti bilo koje pitanje koje bi moglo dovesti do sukoba interesa ukoliko dođe do njihovog imenovanja.

Kandidati sa kojima se ne stupi u kontakt u roku od 10 (deset) dana od isteka roka za podnošenje prijave neće biti uzete u razmatranje u daljem procesu kandidovanja.

Sve informacije u toku postupka kandidovanja su transparentne, osim ako informacije o podnosiocima prijave nisu povjerljive u smislu Zakona o zaštiti ličnih podataka („Službeni glasnik BiH“, broj: 49/06, 76/11 i 89/11).

Kandidate koje nakon intervjua preporuči Komisija za izbor, smatrat će se da su najuspješniji prošli konkursnu proceduru, a Općinski načelnik će izvršiti izbor i imenovanje i obezbijediti javno objavljivanje konačnog imenovanja na upražnjenu poziciju.

Bilo koji kandidat ili bilo koje lice-član javnosti slobodno je podnijeti prigovor na konačno imenovanje ako vjeruje da u procesu imenovanja nisu ispoštovani principi utvrđeni Zakonom o ministarskim, vladinim i drugim imenovanjima Federacije Bosne i Hercegovine.

**Rok za podnošenje prijave na Javni oglas je 15 dana od dana objavljivanja u „Službenim novinama Federacije BiH“, a isti će biti objavljenim u dnevnim novinama „Oslobođenje“, web stranici Općine Ilijaš: [www.ilijas.ba](http://www.ilijas.ba) i oglasnoj ploči Općine Ilijaš.**

**Nepotpune i neblagovremene prijave neće se uzeti u razmatranje.**

**Prijave se podnose u zatvorenoj koverti lično ili putem pošte na adresu:**

**OPĆINA ILIJAŠ  
Ul. 126. ilijaške brigade br. 6  
71380 Ilijaš**

**Sa naznakom „PRIJAVA NA JAVNI OGLAS ZA IZBOR I IMENOVANJE ČLANA SKUPŠTINE  
JKP „VODOSTAN“ d.o.o. ILIJAŠ – NE OTVARATI.**

Broj: 01/2-19-2697/2023  
Datum: 20.12.2023. godine

